




АКАФИСТ
АНГЕЛУ-ХРАНИТЕЛЮ



АКАФИСТ

Ангелу Хранителю



Болгар





АКАФИСТ Ангелу-Хранителю

Кондак 1

Избранный от Господа Бога на хранение души моея и телесе, святыи Ангеле, похвальная ти воспети дерзаю, недостойный раб твой; ты же, яко имеяи дерзновение к Царю Небесному, от всяких мя бед и скорбей, от враг видимых же и невидимых защити, зовуща:

Радуйся, Ангеле Господень, неусыпаемый хранителю мой.

Икос 1

Ангеле святыи, посланный с небесе, во еже хранити мя и руководити во всей жизни моей, припадая молю ти ся: сам настави и вразуми мя, начинающа от сердечныя любве и усердия возглашати песенныя ти хвалы:





Ра́дуйся, А́нгеле Бо́жий, предста́телю мой у Пресвяты́я Тро́ицы; ра́дуйся Царя́ ца́рствующих безплóтный во́ине.

Ра́дуйся, Го́спода госпóдствующих небесный слугó; ра́дуйся, умных и невестественных слуг Егó сож́ителю.

Ра́дуйся, творя́й пр́сно во́лю Влады́ки своего́; ра́дуйся, прие́мый от Бо́га повелéние и вла́сть хран́ити ду́шу мою́.

Ра́дуйся, никогда́же отлуча́йся менé, грéшнаго; ра́дуйся, вы́ну спребыва́яй ми, недостóйному.

Ра́дуйся, соблюда́яй мя на всех путéх мо́их; ра́дуйся, сохраня́яй мя от вся́каго зла́.

Ра́дуйся, от Бо́га да́нный ми руково́дителю на путéх жити́я моего́; ра́дуйся, бла́гий мой наста́вниче.

Ра́дуйся, А́нгеле Госпóдень, неусыпа́емый хран́ителю мо́й.

Кондак 2

Ви́дев человеколюб́ивый Госпóдь, я́ко, по прегрешéнии праотца́ на́шего Ада́ма, вси челове́цы удо́бь преклóнни суть ко греху́,





по Своёй неизречённой мѣлости послалъ есть во всю зѣмлю святыхъ ангеловъ и коемуждо от человекъ пристави хранителя. Исполняюще убо повелѣние Владыки своего, святѣи ангели всегда готѣви суть помогати намъ, богоугодно поющимъ: **Аллилуиа.**

Икос 2

Разуму моему просвещѣние свѣше исходатайствуй, святѣи Ангеле, да возмогу познати, что есть воля Божия благая и угодная, совершенная, и сердце мое направи, еже со усердиемъ творити ю, тебѣ же, хранителя моего, да не престану восхваляти сицевыми гласы:

Радуйся, воспламеняя сердце мое любовью к Богу, Создателю моему; радуйся, возбуждая мя на всяк день же и час приносить Ему молитвы, прошения и благодарения.

Радуйся, якоже стражемъ вернымъ, страхомъ Господнимъ душевный мой дом ограждая; радуйся, вся помышления моя к распятому за грехи мира Спасителю устремляя.

Радуйся, страдания Его и крестную смерть в память мою вперяя; радуйся,





воспоми́нанием страсте́й Господних
блюсти́ся от грехо́в мя поуча́яй.

Ра́дуйся, благода́тнаго свы́ше осенéния
Свята́го Ду́ха проси́ти ми наставля́яй;
ра́дуйся, я́ко на крoткия то́чию и сми-
ре́нныя се́рдцем ми́лостивно призира́ти
Ему́, Уте́шителю, уверя́яй мя.

Ра́дуйся, мы́слию о вездесу́щии Бо́жии
всю́ду окружа́яй мя; ра́дуйся, всеведе-
ние Его́ у́мным очесéм мо́им представ-
ля́яй.

Ра́дуйся, милосе́рдием Его́ к ка́ющимся
гре́шником се́рдце моё́ утеша́яй; ра́дуйся,
правосúдием Его́ к ожесточе́нным и
нераска́янным ду́шу мою́ устраша́яй.

**Ра́дуйся, А́нгеле Господень, неусыпа́емый
храни́телю мо́й.**

Кондак 3

Си́лу Божéственныя благода́ти испро-
си́ ми, храни́телю мой А́нгеле, во éже не-
укло́нно и непреткнове́нно ходи́ти ми спа-
си́тельным путе́м Христо́вых за́поведей,
се́рдцем же и усты́ непреста́нно сла́вити
всесвято́е и́мя Бо́га на́шего и пéти Ему́:
Аллилу́иа.





Икос 3

И́мам тя, богоизбра́нный покрови́телю мо́й, я́коже свѣтлую зарю́, просвеща́ющую ду́шї моея́ темноту́ и разгоня́ющую мрак сердѣчнаго невѣденія моего́: сего́ ра́ди, со умилѣнием припада́я, молю́ ти ся, да и вся моя́ чу́вствия, потемне́нная страстьми́, очисти́тся, во е́же не блужда́ти ми во тьме грехо́вней. Пречу́дную же свѣтлость твою́ воспева́ю си́це:

Ра́дуйся, звездó Невечерняго Свѣта, от Трисия́ннаго Божества́ возсия́вшая и мене́ вы́ну озаря́ющая; ра́дуйся, пресвѣтлая луче, помраче́нная грехми́ сердѣчные ми очеса́ осиява́ющая.

Ра́дуйся, я́ко тщи́шия напра́вити мя на и́стинный путь во тьме беззаконій заблужда́ющаго; ра́дуйся, я́ко предлага́еши ми за́поведи Господни, а́ки зерка́ло для всея́ жи́зни моея́.

Ра́дуйся, я́ко поставля́еши ми за́кон Бо́жий, а́ки свети́льник нога́ма моима́ и свѣт стезя́м моим; ра́дуйся, я́ко словес́ Ева́нгелия Христо́ва в сла́дость послу́шати поуча́еши мя.





Ра́дуйся, я́ко учéнию Божéственнаго Учи́теля моего́ и Го́спода несумнѣнно вѣровати побужда́еши мя; ра́дуйся, я́ко в повиновѣнии уста́вом святы́я Цѣркве укрепля́еши мя.

Ра́дуйся, я́ко пра́вилом и предáнием святы́х апóстол и отѣц покарятися наставля́еши мя; ра́дуйся, я́ко во исповѣдании святы́я и правосла́вныя вѣры утвержда́еши мя.

Ра́дуйся, я́ко за сие́ исповѣдание и на смѣрть гото́ву мя бы́ти убежда́еши; ра́дуйся, я́ко еретико́м и отступникомъ истинныя Цѣрквы сообщáтися возбрана́еши мя.

Ра́дуйся, А́нгеле Господень, неусыпа́емый храните́лю мо́й.

Кондак 4

Бу́ря житѣйскаго мо́ря сокруша́ет духо́вный мо́й кора́бль волна́ми мирскихъ попечѣний, и ми́р убо́гия души́ моея́ мятѣтся, и где обря́щу ти́хое приста́нище спасѣния? То́кмо на тя по Бо́зе возлага́ю наде́жду, храните́лю мо́й А́нгеле, я́ко





премудраго тя кормчаго в мысленных бурях, смущающих мя, стяжах; благодарственне убо пою Богу моему: **Аллилуиа.**

Икос 4

Слышаще и зряще тя, Божественный Ангеле, крепкаго моего блюстителя, злобнии дуси поднебеснии не смеют приблизитися ко твоей пречистой светлости и душегубительныя ми пакости деяти. Сего ради смиренно молю тя, не отступи от мене за невоздержание мое, но присно от лукаваго тех ловления и козней соблюдай мя, со умилением глаголюща:

Радуйся, крепким кровом крил твоих осеняя мя и покрываяя; радуйся, окрест мене с пламенным мечем присно ополчаяся.

Радуйся, противу князя тьмы во брани ми пособствуяя; радуйся, лукавых его служителей побеждатьи ми помогааяя.

Радуйся, отгоняяя от мене душепагубныя демоны, аки хищныя птицы; радуйся, вразумляяя мя бесовские козни познати, аки лукавыя лисицы.





Ра́дуйся, зверообра́зная тех на ум и се́рдце моё нападе́ния отрива́яй; ра́дуйся, порождéния их: го́рдость и не́нависть, из се́рдца моего́ исторгáяй.

Ра́дуйся, за́висть и злопомне́ние от мы́слей мо́их прогоня́яй; ра́дуйся, во отраже́ние злы́х по́мыслов крестным зна́мением себе́ огражда́ти побужда́яй мя.

Ра́дуйся, на а́спида и васили́ска небо́язненно наступа́ти укрепля́яй мя; ра́дуйся, имéяй непобедимое ору́жие проти́ву всех враго́в мо́их.

Ра́дуйся, А́нгеле Господень, неусыпа́емый храните́лю мо́й.

Кондак 5

Боготéчней и лучеза́рней звездé, путе-водившей дрéвле волхвы́ на поклонéние ро́ждшемуся в Вифлеéме Спасителю́ ми́ра, дерзаю́ уподо́бити тя, благо́й мо́й храните́лю: неотлу́чным бо и светоно́сным тво́им ми спребыва́нием указу́еши ми пра́вый путь, веду́щий в Го́рний Вифле́ем, в Небе́сное Ца́рствие, да та́мо с ли́ки арха́нгел и а́нгел сподо́блюся воспева́ти превéчному Царю́ сла́вы: Аллилу́иа.





Икос 5

Видя мя но́щию содержи́ма мра́чною и тёмным о́блаком страсте́й покрыва́ема, святы́й храните́лю ду́шї моея́, не огорчи́ся, не оста́ви мене́, но подража́яй долго-терпéнию Спаси́теля моего́, по́жди ещё́, возбужда́я мя к пока́нию, до́ндеже очеса́ моя́ излию́т исто́чники слез на омы́тие ду́шевные́я нечистоты́ моея́. О се́м смире́нно молю́ тя и глаго́лю:

Ра́дуйся, я́ко вы́ну прино́сиши Бо́гу о мне́ грéшнем моли́твы своя́, я́ко кади́ло пред Ним благово́нное; ра́дуйся, я́ко при́сно ходата́йствуеши пред Созда́телем мо́им о е́же спасти́ся ми.

Ра́дуйся, я́ко пра́ведный гнев Его́, дви́жимый на мя, сво́им предста́тельством отвраща́еши; ра́дуйся, я́ко про́сиши все-милосе́рдаго Го́спода пода́ти прощéние злы́х мо́их дея́ний.

Ра́дуйся, я́ко умилоствивля́еши Его́ бла́гость, да не погу́бит мя со беззакóньми мо́ими; ра́дуйся, я́ко непреста́нно мо́лиши Искупи́телю моему́, да да́рует ми вре́мя ко исправле́нию.





Ра́дуйся, я́ко возбужда́еши мя в покая́нии препрово́дѣти вся дни живота́ моего́; ра́дуйся, я́ко внуша́еши ми желáние, да вы́ну ка́юся пред Го́сподем во всех мо́их прегрешéниях.

Ра́дуйся, я́ко вразумля́еши мя на всякое вре́мя мы́сленно себе́ испы́товати и во гресéх мо́их исповéдоватися; ра́дуйся, я́ко влага́еши в се́рдце моё сокрушéние и скóрбь, занé прогне́вах преблага́го Бо́га моего́.

Ра́дуйся, я́ко побужда́еши мя опла́кивати ока́янное и сквёрное жити́е моё; ра́дуйся, светно́сный и неумолка́ющий ходáтаю спасéния моего́.

Ра́дуйся, А́нгеле Господень, неусыпа́емый хранíteлю мо́й.

Кондак 6

Проповéдую велегла́сно прѣсно́е твоё, хранíteлю мо́й А́нгеле, о мнѣ, грѣшнем, попечéние; в скорбéх бо и напáстех, я́же в сем многомятэ́жнем ми́ре смущáют мир души́ моея́, явля́еши ми ся скóрый утѣшитель, вразумля́я мя, я́ко вся сѣя ниспосыла́ются от премúдраго Создáтеля, áки вра-





чувство́ проти́ву душе́вных неду́гов мои́х,
и поуча́я благоде́ющему си́це Небе́сному
Врачу́ воспева́ти: **Аллилу́иа.**

Икос 6

Возсиява́ет в души́ мое́й, омрача́емой
ско́рбию и уны́нием, свет благода́тнаго уте-
ше́ния, и се́рдце мое́ исполняется весе́лия
и ра́дости, егда́ непреста́нными твои́ми,
святы́й А́нгеле, наставле́нии возбужда́ем
дерза́ю я́ко мыта́рь, вопи́ти к ще́дрому Бо́-
гу, да ми́лостив бу́дет и прости́т ми прегре-
ше́ния моя́. Не премолчи́ у́бо, наста́вниче
мо́й, вразумля́я и укрепля́я мя, зову́ща ти:

Ра́дуйся, помога́й ми благи́й ярем спа-
си́тельного терпе́ния с любóвию носи́ти;
ра́дуйся, в беда́х и злоключе́ниях упо-
ва́нием на Го́спода Бо́га укрепля́я мя.
Ра́дуйся, ско́рби и болéзни му́жествен-
не преодолева́ти мя поуча́я; ра́дуйся,
всякую печа́ль и уны́ние от се́рдца моего́
отгоня́я.

Ра́дуйся, проти́ву врага́, в сеть отча́яния
улови́ти мя хотя́ща, бра́тися побужда́я
мя; ра́дуйся, словесе́м апо́стола, я́ко вси
хотя́щии благоче́стно жи́ти гони́ми бу́-
дут, ве́ровати убежда́я мя.





Ра́дуйся, о́браз терпе́ния и злострада́ния прия́ти ми проро́ки и апо́столы внуша́яй; ра́дуйся, на лик му́ченик и испо́вѣдник, за Христа́ до излия́ния кро́ве свое́я подвиза́вшихся, во утеше́ние ми показу́яй.

Ра́дуйся, страда́ния Само́го Спаси́теля и Го́спода вы́ну у́мным очесе́м мо́им представля́яй; ра́дуйся, наде́ждою бу́дущаго воздая́ния се́рдце моё́ усажда́яй. Ра́дуйся, всера́достным ожида́нием ве́чных благ ду́шу мою́ оживля́яй; ра́дуйся, благи́й и при́сный мо́й утешителю.

Ра́дуйся, Ангеле Госпо́день, неусыпа́емый храни́телю мо́й.

Кондак 7

Хотя́й все́м челове́ком спасти́ся, премилосе́рдый Созда́тель мо́й посла́ тя, Ангела Своего́, я́ко ве́рна ми стра́жа и пе́стуна до́бра во всем жити́и мо́ем, да всю́ду вспомо́ществу́еши ми святы́ми тво́ими вдохнове́нии, защища́еши проти́ву ко́зней диа́вола и предуготовля́еши мя дель́и благи́ми вни́ти с му́дрыми де́вами в небе́сный черто́г, с богокра́сною пе́снию: Аллилу́иа.





Икос 7

Но́вую показу́ет бла́гость Господь и Влады́ка мой на мне, непотрѣбнем и паче всех грешнѣйшем рабѣ Своѣм: презирая бо лю́тая моя́ и тяжкая, не погуби́л мя есть со беззако́ными мои́ми да́же до настоя́щаго дне и ча́са, но долготерпя́ на мне, ми́лостивне ожида́ет моего́ обращѣния и серде́чнаго пока́яния. Вѣрую, благи́й хранителю мо́й, я́ко твои́м прѣсным пред Бо́гом за мя ходата́йством доселе́ храни́м е́смь; те́мже, любóвию к тебе́ подвиза́емый, взыва́ю:

Ра́дуйся, я́ко обурева́ющаяся мя в мо́ри жити́я сегó от конѣчнаго потоплѣния соблюда́еши; ра́дуйся, я́ко из ро́ва беззако́ний мои́х руко́ю твоея́ по́мощи мя исхища́еши.

Ра́дуйся, я́ко грехо́вный сон душевредны́я моея́ лѣности отряса́еши; ра́дуйся, я́ко ум мо́й, омраче́нный небреже́нием, свѣтлым твои́м прису́тствием озаря́еши. Ра́дуйся, я́ко хла́дное и ма́ло не угасшее се́рдце моё́ моли́твами воспламеня́ти ми помога́еши; ра́дуйся, я́ко на славосло́вие Бо́жие прѣсно мя возставля́еши.





Ра́дуйся, я́ко настра́еши глас мой к песнопéнием, и́миже досто́йно и пра́ведно есть хвалíti Творца́ всяческих; ра́дуйся, я́ко поуча́еши мя прославля́ти Го́спода моего́ не усты́ то́чию, но и се́рдцем.

Ра́дуйся, я́ко ко исполне́нию пресвяты́я во́ли Его́ возбужда́еши мя; ра́дуйся, я́ко самоотверже́нию и отрече́нию моея́ злы́я во́ли приобучи́ти мя тщи́шия.

Ра́дуйся, я́ко голуби́ну, простоту́ и а́гнчу крото́сть стяжа́ти ми преи́скренне жела́еши; ра́дуйся, я́ко о е́же младе́нческому незло́бию и ста́рческому добро́разсужде́нию дарова́тися ми хода́тайствуеши.

Ра́дуйся, А́нгеле Госпо́день, неусыпа́емый храните́лю мой.

Кондак 8

Стра́нен и пришле́ц е́сть на земли́ сей: жити́е мое́ су́етно и маловре́менно е́сть; аз же, ока́янный, сме́рти безвѣ́стное во ум ни когда́же прие́млю, ни помышля́ю о Стра́шнем Суди́щи, в не́мже има́м Пра́ведному Судии́ предста́ти и да́ти отве́т о вся́ком де́-





ле же и слóве. Тёмже молю́ ты, души́ моея́ хранителя́, возбуди́ мя скóро от сна грехóвнаго, да не пости́гнет мя час смёрти неисп­равленна и да сподóблюся испроси́ти от всеми́лостиваго Бóга беззакóнием моём прощéние и во гласе ра́дования воспевáти Емú: Аллилу́иа.

Икос 8

Всех Господь и Создатель мой егда́ на­зна́менует ми престáвитися от жития́ сегó, ты, благый хранителю мой, провídяй грóз­ныя мýки, духовом злóбы и нераска́янным грéшником уготóванные и менé ожида́ю­щая, покрый́ мя твоего́ милосéрдия крила́ми, я́коже орёл птенцы́ своя́, и внигда́ ис­чезáти от менé дýху моему́, да úзрю ты близ менé предстояща и лю́тыя враги́ отгоняюща.

О сем со умилéнием молю́ ти ся, вещáя си́це:

Рáдуйся, умным очесём моём горький и стра́шный час смёртный представляя́й; рáдуйся, я́ко неизбéжен, вкúпе же и безвэ́стен час той прísно ми напоми­на́яй.

Рáдуйся, на кийждо день áки ужé на послéдний жития́ моего́ взирáти мя по-





уча́й; ра́дуйся, на вся́кое вре́мя ко
исхо́ду во ин мир мя предуготовля́й.

Ра́дуйся, душе́вное умиле́ние и серде́ч-
ное сокруше́ние во мне ражда́й; ра́дуй-
ся, вѣну жела́й ми, да поне́ при кончи́-
не днѣй моѣх пока́юся.

Ра́дуйся, люби́ти мир и я́же в ми́ре ми
воспраща́й; ра́дуйся, пристра́стие к
тле́нному бога́тству из се́рдца моего́ ис-
кореня́ти помога́й.

Ра́дуйся, вся́ бла́га земна́я бы́ти при
вре́менна и скоропреходя́ща ми пока-
зу́й; ра́дуйся, я́ко вся́ кра́сная ми́ра
сего́ цвѣту се́льному подо́бна суть, вра-
зумля́й мя.

Ра́дуйся, сла́вы челове́чи, а́ки те́ни пре-
ходя́щая, иска́ти возбу́рая́й ми.

**Ра́дуйся, А́нгеле Господень, неусыпа́емый
храните́ло моѣ.**

Кондак 9

Всяк грех соде́ях в жити́и сем и весь
живо́т моѣ во мно́зе претѣк суете́, к концу́
прибли́жихся; врази́ же моѣ устремля́ют-
ся на мя, а́лчуще поя́ти мя и низри́нути во
глубину́ а́дову. Те́мже молю́ ти ся, благо́й





мо́й храни́телю, бу́ди ми защи́титель, егда́
и́мам преходи́ти лю́тая мыта́рства, и без-
бе́дно доведи́ мя до врат Небе́снаго Ца́р-
ствия, иде́же ли́цы а́нгельстии ра́достне
срета́ют восклицáющих: **Аллилу́иа.**

Икос 9

Витийствующий язык не мо́жет изрещи́,
я́же сотвори́л ми еси́, святы́й храни́телю
мо́й, во всем жити́и моём: прия́в бо ду́шу
мою́ от купели свята́го Креще́ния, храни́л
меня еси́ во младе́нчестве, учи́л и вразумля́л
еси́ во о́трочестве, соблюда́л меня еси́ от по-
ползнове́ния ко грехо́м в во́зрасте ю́ноше-
ствем, наставля́л еси́, прише́дша мя в му́же-
ство, охраня́л еси́ на всех путéх мо́их да́же
до ста́рости, облича́я и утеша́я, всю́ду по-
мога́я и направля́я на путь спасе́ния. Сего́
ра́ди благодарственне вопи́ю ти:

Ра́дуйся, я́ко никогда́же лишáеши мя
твоея́ по́мощи и заступле́ния; ра́дуйся,
я́ко от сна востаю́ща мя подвижа́еши ко
благодарению Го́спода, укрепля́ющаго
си́лы моя́.

Ра́дуйся, я́ко нача́ток коего́ждо дне
моли́твою освяща́ти мя поуча́еши; ра́-





дуйся, яко воспрещáеши ми без молѣтвы к всеблагóму Промыслѣтелю, дерзновѣнно собо́ю что начинáти.

Рáдуйся, яко самонадѣяние из сѣрдца моего́ истребѣти тщи́шися; рáдуйся, яко сладчáйшее ѣмя Гóспода Иисúса Христá усты́ непрестáнно произносѣти и во умѣ держáти мя побуждáеши.

Рáдуйся, яко во всякое врѣмя нúжная тóчию и полѣзная вещáти язýком ми внушáеши; рáдуйся, яко от празднослóвия, многоглагóлания, пáче же кощúнства мя удержавáеши.

Рáдуйся, яко ядúщу и пию́щу ми ѣли ѣно что творя́щу прѣсно спребывáеши; рáдуйся, яко воздержáнию в пѣщи и питиѣ приобучѣти мя печѣшися.

Рáдуйся, яко спя́ща мя храни́ши и врагá, хотя́ща искуси́ти мя со́нными мечтáнии, отгоня́еши; рáдуйся, яко воспящáеши мя от любострáстнаго стремлѣния и во óчию моѣю́ целомúдренный стыд влага́еши.

Рáдуйся, Ангеле Господень, неусыпáемый храни́телю моѣй.





Кондак 10

Спасти́ всех пришéдый, Иису́се мо́й преблагий, со умилéнием молю́ Ти ся: Твои́м милосéрдием прости́ мои́х злы́х премно́жество и безмéрие, преклоня́емый на сие Божéственнымими мо́льба́ми Твоего́ невещéственного служите́ля, его́ же ми приста́вил еси́ из младе́нчества, я́ко Человеколю́бец, храните́ля, да досто́ин явлю́ся вни́ти в черто́г сла́вы Твоея́ и со ду́хи пра́ведных воспе́ти: **Аллилу́иа.**

Икос 10

Стена́ твёрда присно явля́еши ми ся, святы́й А́нгеле, проти́ву ухищре́ний зло́бных враго́в мои́х, и́щущих вéчныя поги́бели моея́ и ослабля́ющих ду́шу мою́ лéностию и самозабвéнием. Молю́ у́бо тя, храните́лю мо́й, да твои́м ходата́йством сподо́блюся при исхо́де души́ моея́ из телесе́ прича́стник бы́ти Пречи́стаго Те́ла и Святе́йшия Кро́ве моего́ Спасите́ля, я́ко да укрепив́ся сею́ нетле́нною пи́щею и животво́рным пити́ем, безстрéпетно прейдú во ин мир, воспева́я тя, моего́ благоде́теля:





Ра́дуйся, я́ко дана́ ти есть вла́сть и си́ла отража́ти де́монская на мя нападе́ния; ра́дуйся, я́ко прия́л еси́ от Бо́га кре́пость на побежде́ние невидимых враго́в мо́их. Ра́дуйся, я́ко от вся́каго злоде́йства и ко́зней диа́вольских могíй изба́вити мя; ра́дуйся, я́ко го́рьких мыта́рств нача́льника, лю́таго мироде́ржца нападе́ния от мене́ отрева́еши.

Ра́дуйся, я́ко, огражда́емый твои́м прису́тствием, има́м наде́жду в час сме́рти не устраши́тися мра́чных лиц духо́в зло́бы; ра́дуйся, я́ко, храни́мый тобо́ю, упова́ю безбе́дно прейти́ возду́шная мыта́рства.

Ра́дуйся, я́ко укрепля́емый твое́ю по́мощию, ча́ю не уде́ржан бы́ти вне врат ра́я, ми вожде́леннаго; ра́дуйся, я́ко тво́е за мя предста́тельство си́льно есть пред Бо́гом, е́же не вве́ржену ми бы́ти во тьму кромешную.

Ра́дуйся, я́ко при́сно внуша́еши ми умило́стивля́ти Го́спода слеза́ми пока́яния, да изба́влюся ге́енны а́дския; ра́дуйся, я́ко побужда́еши мя день и но́щь моли́тися, да не по́слан бу́ду со де́моны му́читися.





Ра́дуйся, неотсту́пный мо́й руководи́телю
и пе́стуне; ра́дуйся, крѣпкий мо́й засту́п-
ниче и ско́рый помо́щниче.

**Ра́дуйся, А́нгеле Господень, неусыпа́емый
храните́лю мо́й.**

Кондак 11

Пе́ние сие́, а́ще и от усѣрдия моего́ ти
приноси́мое, святы́й храните́лю мо́й, вем,
я́ко не дово́льно есть ко изьявлѣнию моего́
сердѣчнаго благодарѣния за вся благая́,
я́же ми сотвори́л еси́ и не престае́ши тво-
ри́ти да́же до сего́ дне и часа́; но и о сем
молю́ ти ся, о́бщаго ми с тобо́ю Созда́теля
уми́лостиви, да на Стра́шнем Судѣ Своём
шу́ия ча́сти изба́вит мя и сподо́бит со все́ми
святы́ми воспева́ти Ему́: **Аллилу́иа.**

Икос 11

Свети́льник мой угасе́, е́лея же благих
дел, во е́же возжещи́ его, несть ми: и где
обря́щуся аз, ока́янный, сном грехо́вным
отягче́нный, егда́ пости́гнет мя внеза́пу по-
лу́нощь, час кончи́ны моея́? Но да не ус-
лы́шу и аз, я́коже юро́дивыя де́вы, гро́зна-
го гла́са Жениха́: «Не вем тя!» Помози́ ми,





неусыпаемый хранителю мой, наполнити сосуды души моея елеем благих дел, паче же милосердия и смирения. Ныне же прими от мене сие пение:

Радуйся, Единого Господа имети в разуме присно ми внушаяй; радуйся, заповедь о любви к Немю, Преблагому, в сердце моем обновляяй.

Радуйся, любити Его, Создателя, всем умом и всем помышлением мя побуждаяй; радуйся, и к ближним искреннюю любовь мою богоугодно быти непрестанно ми напоминаяй.

Радуйся, любити их не словом или языком, но делом и истиною мя поучаяй; радуйся, во всех нуждах их помогати желание ми влагаяй.

Радуйся, утешати скорбящих, заступати обидимых мя наставляяй; радуйся, от имений своих уделяти бедным и неимущим сердце мое преклоняяй.

Радуйся, и душу мою, по заповеди Спасителя, положить за други своя готову ми быти возбуждаяй; радуйся, закрываяй очеса моя, еже не зрети ми прегрешения брата моего.





Ра́дуйся, не попуща́яй ми осужда́ти по-
ползну́вшагося на грех бли́жняго мое-
го́; ра́дуйся, воспреща́яй ми я́ти ве́ру
оглаго́льником клеврета́ моего́.

**Ра́дуйся, Ангеле Господень, неусыпа́емый
храните́лю мо́й.**

Кондак 12

Благода́ть дана́ ти есть от всемогущаго
Господа, святы́й покровите́лю мо́й, е́же
хранити мя на всех пута́х мо́их, да не о ка́-
мень коего́ собла́зна преткне́тся нога́ моя́,
до́ндеже мя предста́виши Христу́ Бо́гу спа-
се́на, Ему́же немол́чно вся си́лы небеса́ныя
взывают: Аллилу́иа.

Икос 12

Пою́ твоё досточу́дное милосе́рдие и
мно́гое снисхожде́ние, быстродви́жный
уме́, беспло́тный слуго́ Господень: я́ко не
гнуша́ешия грехо́вныя моея́ смра́дности и
не преста́еши приноси́ти о мне, непотреб-
нем, святы́я моли́твы своя́ ко святе́йшему
Престо́лу Триипоста́снаго Бо́га, е́же не
поги́бнути ми во ве́ки, но Ца́рствие Небе́с-
ное насле́довати. Благоволи́ у́бо прияти от





душе́вных сокровищ мо́их приноси́мое ти песнопéние:

Ра́дуйся, я́ко воспоми́нанием грядúщаго грóзнаго Суда́ Бóжия от грехóв мя отрeвáеши; ра́дуйся, я́ко ду́шу мою́, áки неvéсту, ко срéтению прекра́снаго Же́ниха́ Христа́ предуготовля́ти возбужда́еши мя.

Ра́дуйся, я́ко прísно жела́еши достóйна мя сотвори́ти бра́чнаго черто́га Егó; ра́дуйся, я́ко вьну́ учиши мя возжигáти свети́льник ду́ши моея́, да с мúдрыми дeва́ми, ду́шами пра́ведных, вни́ду в онь. Ра́дуйся, я́ко грехóвныя оде́жды моея́ совлачи́тся побужда́еши мя; ра́дуйся, я́ко в рíзу непорóчности и чистоты́ облещи́ся ми спосо́бствуеши.

Ра́дуйся, я́ко ходáтайствуеши, да на Стра́шнем Суде́ Христо́ве одесну́ю Егó ста́ти сподо́блюся; ра́дуйся, я́ко умоля́еши благоутрóбие Бóжие, да ли́ку избрáнных Свои́х сопричтeт мя.

Ра́дуйся, я́ко подвизáеши на моли́тву ко Го́споду и сожи́телей твои́х небéсных, да всели́т мя с ни́ми во Цáрствии Своéм; ра́дуйся, до́брый и бо́дрый блюсти́телю мо́й.





Ра́дуйся, тёплый о мне, грёшном, моли́твенниче и бла́гий предста́телю; ра́дуйся, по Го́споде Бо́же и Пресвяте́й Богоро́дице крёпкое моё упова́ние.

Ра́дуйся, А́нгеле Госпо́день, неусыпа́емый храни́телю мо́й.

Кондак 13

О пресла́вный и у́мный све́те, А́нгеле Бо́жий! Приими́ благода́рственное си́е и моле́бное пе́ние, и егда́ има́м от земли́ восста́ти на Суд, покажи́ тогда́ милосе́рдие твоё на мне грёшнем: предста́ни близ мене́ тих и ра́достен, наде́ждою спасе́ния отъёмля страх мо́й, да в селе́ниях ра́йских сподо́блюся вку́пе с тобо́ю во ве́ки веко́в воспева́ти преве́чному Царю́ сла́вы: Аллилу́иа.

(Этот кондак читается трижды).

Икос 1

А́нгеле святы́й, по́сланный с небесе́, во е́же храни́ти мя и руководи́ти во всей жи́зни моёй, припа́дая молю́ ти ся: сам наста́ви и вразуми́ мя, начина́юща от серде́чных любве́ и усе́рдия возглаша́ти пе́сенныя ти хвалы́:





Ра́дуйся, А́нгеле Бо́жий, предста́телю мой у Пресвяты́я Трѳицы; ра́дуйся Царя́ ца́рствующих безплѳтны́й во́ине.

Ра́дуйся, Го́спода господствующи́х не бе́сный слуго́; ра́дуйся, у́мных и не веще́ственных слуг Его́ сожи́телю.

Ра́дуйся, твора́й прѳсно во́лю Влады́ки своего́; ра́дуйся, прие́мый от Бо́га пове́ление и вла́сть хранѳти ду́шу мою́.

Ра́дуйся, никогда́же отлуча́йся мене́, грѳшнаго; ра́дуйся, вы́ну спребыва́яй ми, недостѳйному.

Ра́дуйся, соблюда́яй мя на всех путѳх мои́х; ра́дуйся, сохра́няяй мя от вся́каго зла́.

Ра́дуйся, от Бо́га да́нный ми руководи́телю на путѳх жити́я моего́; ра́дуйся, благи́й мой наста́вниче.

Ра́дуйся, А́нгеле Господень, неусыпа́емый хранѳтелю мой.

Кондак 1

Избра́нный от Го́спода Бо́га на хранѳние души́ моея́ и телесе́, святы́й А́нгеле, похва́льная ти воспѳти дерза́ю, недостѳйный раб тво́й; ты же, я́ко имѳяй дерзнове́ние к





Царю Небесному, от всяких мя бед и скорбей, от враг видимых же и невидимых защити, зовуща:

Радуйся, Ангеле Господень, неусыпаемый хранителю мой.

Молитва Ангелу-Хранителю

О святы́й Ангеле, хранителю и покровителю мой благий! С сокруше́нным се́рдцем и болезненною душо́ю предстою́ ти, моля́ся: услы́ши мя, грешнаго раба́ своего́ (*имя рек*), с воплем крѣпким и пла́чем го́рьким вопиющаго; не помяни́ моих беззаконий и неправд, и́миже аз окая́нный прогневляю́ тя во вся дни и часы́, и мѣрзостна себѣ творю́ пред Создате́лем на́шим Господе́м; явися́ мне милосе́рд и не отлучайся́ мене́ сквернаго да́же до кончи́ны моея́; возбуди́ мя от сна грехо́внаго и пособствуй твои́ми моли́твами проче́е вре́мя живота́ моего́ без поро́-





ка преити́ и сотвори́ти плоды́ досто́йны
покая́ния, па́че же от сме́ртных паде́ний
грехо́вных соблюди́ мя, да не поги́бну во
отча́янии и да не пора́дуется враг о по-
ги́бели мо́ей. Вем вои́стину и усты́ ис-
пове́дую, я́ко никто́же тако́в друг и пред-
ста́тель, защи́титель и поборо́ник, я́коже
ты, святы́й А́нгеле: предсто́я бо Престо́-
лу Госпо́дню, мо́лишия о мне непотре́-
бнем и па́че всех грешнейшем, да не изы́-
мет Преблагый ду́шю мое́ю в день неча́я-
ния моего́ и в день творения злѳбы. Не
преста́й у́бо умилоствля́я Премилосе́р-
даго Го́спода и Бо́га моего́, да отпу́стит
согреше́ния моя́, я́же сотвори́х во всем
жити́и мо́ем, де́лом, сло́вом и все́ми мо-
и́ми чу́вствы, и и́миже весть судьба́ми да
спасе́т мя; да нака́жет мя zde по Сво́ей
неизрече́нной ми́лости, но да не обличит
и не истяже́т мя она́мо по Сво́ему́ нели-
цепри́ятному правосу́дию; да сподо́бит
меня́ покая́ние принести́, с покая́нием же
Божество́нное Причаще́ние досто́йне
прия́ти, о сем па́че молю́, и тако́ваго да́ра






всеу́сердно жела́ю. В стра́шный же час
сме́рти неотсту́пен бу́ди ми, благи́й хра-
ни́телю мо́й, прогоня́я мра́чныя де́моны,
иму́щия устраши́ти притре́петную ду́шу
мою́: защи́ти мя от тех ловле́ния, егда́
и́мам преходи́ти возду́шная мыта́рства,
да храни́м тобою́, безбе́дно дости́гну ра́я
ми вожде́ннаго, иде́же ли́цы святы́х и
го́рних сил непреста́нно восхваля́ют все-
честно́е и велико́лепое и́мя в Тро́ице сла́-
вимаго Бо́га, Отца́ и Сы́на и Свята́го
Ду́ха, Ему́же подоба́ет честь и поклонé-
ние во ве́ки веко́в.

Ами́нь





Тропарь, глас 6-й

Ангеле Божий, хранителю мой
святый, живот мой соблюди во страхе
Христа Бога, ум мой утверди во
истиннем пути, и к любви горней
язвы души мою, да тобою
направляемь, получу от Христа Бога
велью милость.